

مجموعه سنون

او

جمعیت علمیه عثمانیه

اردیبهشت سنه

نومرو ۲۸

ربیع الآخر

استانبول

جمعیت علمیه عثمانیه مطبعه سنده طبع اولانمشدو

۱۲۸۱

(تاریخ دولت عثمانیه درسی)

مقدمه بعضی محلی غرضه رنده دخی اعلان اولندیغی وجهله مجلس
والای احکام عدلیه اعضای کر آمدن سعادتلو خیرالله افندی
حضر تلی جمعیت عاجزانه مزمر کننده دولت علیه عثمانیه تاریخی
تدریسه مبادرت ایلشدر. خنی اولدیغی وجهله افندی مشارالیه
حضر تلی منبع علم و عرفان اولان بر خاندانه منسوب اولوب
کندو اثر خامه سی اوله رق مقدا طبع ونشرینه ابتدار اولمش اولان
دولت عثمانیه تاریخ مفصلی دخی جله نك مشهود نظر استحضاسی
اولغله اولیاده اهلیت و اقتدارینی تسلیم و تصدیق معرضنده
سرد مقال حاصلی استحصا قیلندن اولدیغی مثالو مجرد ابنای
وطنه خدمت ایتمک نیت خیره سیله شوزجی اختیار بیورمسی دخی
نه درجه شایان تشکر مواددن بولندیغی محتاج ایضاح دکلدر.

هر ملت منسوب اولدیغی دولتک صورت تشکل و توسعه و دفعه
اولدیغی تحول احواله کسب اطلاع ایتمک فائده دن خالی اولوب
بالخصوص سلطنت سینه کبی ذروه شوکت و اقتداره واصل اولش
بر دولت سایه سنده آباو اجداد مزک حائز اولدقلری شرف و شانه
تحصیل وقوف هر حالده بزجه مایه مباهات و مغررت و انلرک
اثرینه اتبا عده بادی شوق و غیرت اوله جغی جهته دولت علیه
تاریخنک تعلم و تحصیلی اهم امور دندر. افندی مشارالیه حضر تلی
حین تدریسه وقوعات تاریخیه نك کاهی تقریر و بیانیه اکتفا
ایتموب امور مهمه نك مقدمات و نتایجنی دخی شرح و ایضاح
ایلدیکی جهته استماعندن فوائد عظمیا استحصا اوله جغی درکاردر.

ممالك شرقیه ده اولوجه له علم تاریخ تدریسی معیار اولدیغندن
اسیر عادت اولار عنده درس مذکور نظر تعجب ایله منظور ایسه ده
حقیقته اصل شو ذهاب شایان استغراب اولوب چونکه تاریخ دخی
علوم معتبره دن معدود اولدیغی حالده دیگر لری کی تدریس اولتی
شرفندن محرومیتی ندن لازم کلسون فن تاریخ مجرد اکتیجه اولتی
اوزره مطالعه اولتور امثال و حکایات قیلندن عد اولتور ایسه
فی الحقیقه اوخالده علم وجهلی مساوی اولوب تدریسه حاجت قالمز
فقط بری اسلافه معاصر و هر یرده حاضر و ناظر ایده جک بویله
بر علم جلیل المنافع اکا مقبس اوله ایوب خاصه تعلیمه اعتنا اولتی
لازم کله جکی مسلم ارباب نهادر

(منیف)

(خلاصه پولىتقیه)

دانیمارقه ایله اوستریا و پروسیا دولتری بیننده پکنلرده عقد اولنان
مقدمات صلحیه سنډینک ترجمه سیدر
اوستریا دولتنک مرخصلری قونت دو رخبرغ و بارون دوبره تر
دانیمارقه دولتی طرفندن مرخص تعیین قلنان موسو غواد و قولونل
دو قاوغان و پروسیا دولتنک مرخصلری موسو دو بیسمارق بارون
دو ورترا مور اجنبیه نظارتی دائره سنډه قونفرانس صورتنده
اجتماع ایدرک یولنده بولنان رخصتنامه لری یکی دیگرینه بالا رائه
زیرده بیان قلنان مقدمات صلحیه قرار ویرمشرلدر